



殿閣詞林記卷之五

同
部學

學士承旨兼吏部尚書詹同

詹同字同文舊名書徽州婺源人而生而穎靈獨抱奇氣元學士虞集以其弟槃之子妻之至正中舉茂才異等授郴州路學正遇亂道梗因家黃州陳友諒徵為學士承旨兼御史

高皇帝平陳首召同為國子博士易其名曰同未幾以為待制起居注時命有司求遺書上謂同曰三皇之書不盡傳于世故後世鮮知

其行事漢武帝見求遺書六經始出唐虞三代之治始可得見武帝雄才大畧後世罕及表章六經開闡帝王之學文有功于後世吾每于宮中無事輒取孔子之言觀之如節用而愛人使民以時真治國之良規誠萬世之師也遂命攷宗廟時享禮洪武元年四月命畫古孝行及起家戰伐歷試愁苦為圖以垂世訓上謂同曰朕家木業農祖父皆長者世承忠厚積善餘慶以及于朕今圖茲以貽子孫俾知王業艱難也同對曰陛下昭德垂訓莫此為切

上曰富貴易驕艱難易忽久遠易忘後世子孫生長深宮惟見富貴習于奢侈不知祖宗積累之艱故示之俾朝夕覽觀庶有所警也是年十二月以同為直學士二年三月為侍讀學士劉基疏請加禮大臣同因取戴記及賈誼疏以進且復開說剴切

上深納之又諭同曰古人為文章或以明道德或以通當世之務典謨之言明白易知無深怪險僻之語至如諸葛亮出師表亦何嘗雕琢為文而誠意溢出使人讀之自然忠義感激近世文士不究道德之本不務當世之務立辭雖艱深而意實淺近即使過于司馬相如楊雄何裨實用自今翰林為文但取通道

理明世務者無事浮藻四年乃陟為吏部尚書

上諭曰吏部者衡鑑之司鑑明則物之妍蚩無所遁衡平則物之輕重得其當蓋政事之得失在庶官任官之賢否由吏部任得其人則政理民安任非其人則壞官曠職卿等居銓衡之任宜在公平以別賢否六年七月以同為學士承旨兼吏部尚書

上御奉天門謂同曰論行事于目前不若鑒之于往古卿儒者試言古先帝王為治之道同對曰帝王之治莫善于唐虞三代可以為萬世法

上曰三代而上治本於心三代而下治由乎法本于心者道德仁義其用為無窮由乎法者權謀術數其用有時而窮然為治者遠乎道德仁義必入于權謀術數甚矣擇術不可不慎也九月壬寅與宋濂等修日曆為總裁官七年五月丙寅書成名曰皇明寶訓同以老乞歸

上賜之敕曰朕起布衣提三尺劍總率六師以拯民艱延攬英雄以圖至治凡二紀于茲曩者親征武昌下城之日爾同以文學之美從朕同游厥後任博士啓居注學士皆舉其職又長吏部辨人才之賢否審職任之輕重咸得其宜今年雖已邁猶輸誠效謀迄

無少怠可賢也已朕不忍以爾老年服役奔走特命以翰林學士致仕爾惟欽哉未幾復起為學士承旨同所著有天衢吟嘯及海涓集子徽為左都御史兼太子少保吏部尚書以事坐廢徽子板為太子洗馬改尚寶司永康道南曰予嘗艤舟黃人之墟訪詹同之蹟父老猶能言之及觀國史乃見其獻納忠諫被寵優渥天造建侯各因其才爾矣可不謂榮焉贊曰鳥惟擇木魚則依水君臣同游保全終始苟弗善始胡克令終於昭豪傑附鳳攀龍玉堂視草銓衡秉鑑猗與休哉皇謨斯贊

學士晉兵部尚書樂韶鳳

樂韶鳳字舜儀滁州全椒人洪武初授起居注拜中書左司員外郎歷陟兵部侍郎尚書六年改侍講學士與承旨詹同定祀孔子樂章三月製中都城隍神主上親為文遣韶鳳奉安九月編集日曆韶鳳為催纂官又命擇唐宋名儒表箋可為式者頒行天下是月又命撰祭祀禮成回鑾樂歌八年三月以中原雅音正之書成名曰洪武正韻九月命攷陵寢朔望節序祀禮韶鳳奏諸廟寢園各有便殿日祭

于廟時祭于便殿漢都洛陽以關西諸陵久遠但四時特牲致祭洛陽諸陵每正月祭郊廟畢行禮唐園陵皇祖至太祖陵皆朔望節序祭皇考陵朔望節序進食我朝每歲元旦清明七月望十月朔冬夏二至用太牢致祭其伏臘社每月朔望用特羊是年十一月詔定登壇脫舄禮韶鳳奏古者侍坐于長者屨不上堂解屨不敢當階就而舉之屏於側漢魏以後朝祭則跣襪唐禮志正旦冬至朝賀上公一人詣西階脫舄解舄宋開寶通禮太廟裸獻饋食并帝袞皇帝詣東階下解舄脫舄今議於郊祀廟享前期有司設

御幕于壇東南門外及設執事官脫屨之次于壇門外西側

上皆從之十二年八月又詔定皇太子與諸王往復書劄禮韶鳳考據精詳屢蒙褒獎未幾以病免歸復起為國子祭酒

上賜諭曰文廟之設是尊先師也因之為國學焉歷代以之訓君嗣教公子也故哲王必選名儒以導學者今朕法前代命爾承是師範闡揚博通使幼者記壯者解毋忘寸陰有補于朕政汝往欽哉韶鳳為人易簡諒兄弟皆知名于時曰暉開封守曰禮太常

鄉曰教諸暨同知廖道南曰予幼讀魏杞山詩有云
詹吳宋樂皆時彥撰述承恩晝夜同已知樂學士為
名人矣及觀國史乃得其詳乃知稽古禮文厥功亦
不為無助也贊曰滁州之域是為全椒篤生偉人德
音孔昭士宗之宗邦家之彥熙績兵曹蜚英翰苑康
侯三錫于彼日中詹吳宋樂芳名靡窮

侍講學士拜禮部侍郎蔣驥

蔣驥字良夫浙江錢塘人洪武庚辰進士授行人改
授檢討宣德初轉侍講五年同考會試得陳詔為第
一預修

兩朝實錄進侍講學士拜禮部侍郎初解縉逮繫詔
獄辭連替善王汝玉及驥縉死而汝玉及驥為顯官
驥子琳歷仕副都御史巡撫貴州征草塘有功後為
仇構賜死孫銘為中書舍人廖道南曰予至錢塘眺
天日游西湖乃訪蔣君之墟間里父老尚能談其事
者及考杭志則又多稱其賢予乃泫然悲之贊曰錢
塘之江子胥怒潮西湖之訢武穆沈滲偉哉蔣君屢
遭危禍雖數之奇亦緣其過

吏部尚書兼學士王直

王直字行儉江西泰和人永樂甲申進士選庶吉士

授修撰

太宗幸北京命直同黃淮楊士奇侍

皇太子于南京及再幸北京命直扈從預修

高廟實錄轉侍讀

仁宗登極進侍讀學士尋遷右庶子預修

兩朝實錄擢少詹事仍兼侍讀學士階中順大夫

英宗嗣位總裁

宣廟實錄成擢禮部侍郎兼學士出佐部事與胡忠
安公相得甚懽吏部尚書郭璉去以直代之加資德
大夫正治上鄉正統己巳先入寇中官王振勸

上北征直率廷臣上疏曰遼鄙之事自古有之惟在
守備嚴固而已

國朝備邊最為上策謀臣猛將堅甲利兵隨處備禦
且耕且守今宜慎固封守申明號令俾堅壁清野按
兵蓄銳彼前不得戰退無所掠入馬疲困自當遠遁
何必親御六飛遠臨榆塞況秋暑未退旱氣蘊隆青
草不豐水泉猶塞人蓄之用實有未充且矢凶戰危
利害難保古之聖王敬慎不忽蓋有所見而然茲褻
至尊臨險地非所以養威持重存大體也
上不從命直留守京師加太子太保榮祿大夫景泰

初進少傅兼太子太師議遣使奉迎太監興安傳諭
曰今日誰為文天祥富弼直正色曰主憂臣辱主辱
臣死誰敢有不用命者興安語塞天順改元乞休歸
年八十四卒贈太保謚文端子積為翰林檢討曾孫
思為編修李文達公銘其墓曰依依王公天賦其秀
有聲燁然大江之右鑾坡鳳閣容與翱翔惟學之昌
惟譽之芳遂秉銓衡不倚不惑百司庶府位稱其德
庾道南曰初也先入寇時人心洶洶莫知所裁直率
百寮廷爭此其為心天日皎皎可鑒焉者及景泰中
陳循當國直亦無所附麗廷議奉迎正色而對蓋直
躬而篤於好古者也彭韶贊云刻志苦學早登科甲
被命留京慎勤守法迎復之間惟公首對即却權奸
辭鋒歛氣公性雖嚴公有雅度大年有識泣以銘墓
禮部尚書兼侍講學士王英

王英字時彥江西金谿人永樂甲申進士選庶吉士
戊子重修

高廟實錄丁亥授修撰丙申轉侍講戊戌二月扈從
太宗北征至濶灤海五月旋師過李陵臺命英往視
碑文英視畢奏稱碑陰有達魯花赤字

上命毀之謂英曰爾是二十八人中讀書秀才耶朕

明史紀事本末卷之五十一
需爾用宜勿憚勞英因奏曰胡虜犯邊罪在不赦但
聞天兵遠征遁歸沙漠願勿窮追

上曰秀才惟不欲窮兵黷武朕為天下國家計爾又
曰軍中一切動靜爾有所聞即來密奏
上駐蹕安平鎮有軍士以有過立功無行糧者英曰
此皆壯士也願宥其過而與之庶得其死力
上即命兵部尚書李慶給之甲辰

上復北征晏駕榆木川英與尚書蹇義夏原吉學士
楊榮楊士奇同議喪禮宿內閣凡七日

仁宗登極進侍講學士尋遷右春坊大學士明年賜

告歸省

宣宗嗣位召入便殿問曰洪武中有宋濂吳沉朱善
劉三吾永樂間則解縉胡廣俱有重名汝當勉旃罔
俾前人獨享厥美預修

兩朝實錄陞少詹事兼侍講學士賜金相犀帶壬子
守制奪情正統初預修

宣朝實錄充總裁官擢禮部侍郎仍兼侍講學士癸
亥命往祀南鎮祈雨還奏修省事宜

上從之果大雨戊辰陟南京禮部尚書卒謚文安廖
道南曰予觀陳敬宗所撰文安傳以為撫州多名儒

若宋之晏殊元之吳澄蓋王寄賓蓋諸山之靈所鍾也及讀國史謂文安樂易善書跌宕不拘小節固有徵哉贊曰漢有二王咸負芳名宋有二王並登宰衡文端曰直文安曰英勲如其名永世有徵

學士拜禮部侍郎錢習禮

錢習禮名榦以字行江西吉水人永樂辛卯進士選庶吉士授檢討洪熙初轉侍讀戊申賜觀燈萬歲山撰詩以進是歲典應天鄉試庚戌進侍讀學士壬子上臨幸史館賦招隱歌賜近臣習禮拜賜是歲典順天鄉試天順改元預修

兩朝實錄充經筵官陞學士是歲復典應天鄉試己卯復典順天鄉試乙丑主考會試擢禮部侍郎致仕卒年八十九謚文肅尚書王直銘其墓曰惟公世家海內所聞政事文章亦煥其群廖道南曰予讀國史謂文肅恬靜少慾恭而有禮及攷諸吉志則又稱其以清節重望名海內人不敢干以私夫君子立身始干幾微極于廣大著于鄉黨昭于邦國庸言庸行豈一朝一夕之故哉乃知文肅之獲譽于人所由來者遠矣贊曰靜以立本坦而有容流芳史局為光為龍明堂柱礎清廟鍾鏞彼美人兮穆如清風

學士拜禮部侍郎李紹

李紹字克述江西安福人宣德癸丑進士遷庶吉士授檢討預修

宣廟實錄以剡員汰歸楊士奇薦之未及用景泰初召充經筵官轉修撰歷司經局洗馬兼修撰遷右庶子兼侍講天順初改尚寶司卿仍兼侍講進學士尋陞禮部侍郎時有權貴相軋以紹奏事多南音沮之英廟弗聽且曰禮部不可無此人以士奇常薦之癸未會試紹充貢舉防範甚嚴簞筆宿弊成化初預修英廟實錄充副總裁書垂成以疾求解任歸後國子

祭酒缺吏部尚書姚夔薦之召命甫至卒子瑤為雲南布政使廖道南曰予觀江西通志稱紹素有隱德及攷國史乃知楊文貞之力居多士伸於知己信哉贊曰周昌期期周舍諤諤口峻不言行果而確克述土音聞者驚愕獨簡當寧典司禮樂

學士拜禮部侍郎倪謙

倪謙字克讓應天上元人生有四乳人咸異之正統己未進士及第授編修甲子命祀北岳己巳轉侍講使朝鮮景泰壬申遷左中允兼侍講侍經筵以易儲事進侍講學士丙子預修寰宇通志遷左春坊大學

士天順紀元改通政司左叅議仍兼侍講遣祭遼荆
楚三府還進學士戊寅

憲宗出閣充講讀官己卯主考順天鄉試以舉子奏
發陰事下詔獄謫戍開平成化初復學士職預修
英廟實錄擢南京禮部侍郎御史陳選劾之致仕己
丑階正議大夫資治尹復侍郎職丙申陟禮部尚書
卒贈太子少保謚文僖子岳為吏部尚書阜布政使
萬安銘其墓曰僖哉文僖體貌奇異學識超群詞華
鳴世致身翰林振玉鏗金出使外國驚服爽心歸講
經帷尋直秘殿克當淵衷累承寵眷簡侍青坊啓沃
少海天界困橫欲資亮采

帝思舊學仍拜舊官晉少宗伯懇乞歸閒養晦七年
有詔復起進大宗伯典茲三禮廖道南曰予觀國史
謂文僖嗜進太急多比匪人以故屢致謫非不有文
毅曷昭幽潛語有之犁牛之子驂且角於乎况匪犁
乎贊曰鍾阜儲英大江炳靈幼鍾異質壯負修能禹
錫玄都宗元鈇鉏詞翰殊芳疇與為伍於乎不朽貴
在德修賴有元方其澤悠悠

侍讀學士晉南京吏部尚書錢溥

錢溥字原溥直隸華亭人正統四年進士太監玉振

訪可教內侍書者或薦溥試審薇露詩大見稱賞特授檢討景泰辛未遷左贊善兼檢討七年修寰宇通志轉左諭德兼編修天順紀元改尚寶司少卿兼官如故俄陞侍讀學士修大明一統志充副總裁壬午頒詔安南克正使貽書與其王論郊迎禮甚悉甲申降廣東順德知縣成化丙戌詔復舊官尋起掌南京翰林院事丙申陞南京吏部左侍郎陟尚書致仕卒賜謚文通溥性輕躁嗜進嘗作禿婦傳以譏商輅有太監王倫者受業於溥當

英廟大漸時倫出就溥舍妄議時政邏者得之以聞下獄罪且不測有左右之者乃得末減出為知縣雖累被彈劾尚遷崇秩識者鄙之庾道南曰士之立身可不慎哉王振以巨璫秉政噂沓皆憎譁張為幻溥也何人乃首附之卒之不俚于口非言者之過也溥之罪也贊曰漢之喬固曰刃罔避唐之訓注甘露不畏一忠一佞同事異術溥何人斯居身靡基積久滋彰云胡弗愧

侍讀學士晉禮部尚書周洪謨

周洪謨字堯弼四川長寧人正統甲子鄉試第一明年進士及第授編修景泰中遷左贊善兼編修上疏

十二事景帝嘉納尋轉侍講改侍讀掌南京翰林院
事成化初召修

英廟實錄進侍讀學士未幾陞南京國子祭酒守制
服闕改北監上疏奏增孔子樂舞從之踰年擢禮部
侍郎適尚書張文質去位以洪謨代之時議

憲宗皇帝升祔暨

孝穆皇太后饗禮上疏畧曰禮必援情以立義事當
據古以證今謹按周制天子七廟三昭三穆與太祖
之廟而七文王武王為宗故為九廟蓋以后稷為始
祖文武為世室皆百世不遷其餘則以次而祧前乎

周則商以契為祖而湯與三宗百世不遷後乎周則
宋以僖祖為祖而太祖太宗亦百世不遷雖迭有異
議大儒程頤朱熹皆以尊僖祖為得禮之正蓋報本
反始義所當重也我

高皇帝肇建丕圖追祀

四祖至

英宗上賓遂備九室在當時則

德祖為高祖無可推之親在今日則

德祖當為始祖無可祧之主臣愚以為

太祖

太宗比周文武萬世不祧

懿祖而下當以次通遷茲遇

憲宗升祔宜于

太廟寢殿之後倣古夾室之意別建一殿分為九室以俟祫祧主況古有祫祭合祧廟與未祧之主而祭之于太廟故謂之祫今宜于歲暮之餘奉迎

懿祖祧主仍居舊位以享祫祭每歲一祭視古三年一祫為有加矣周禮大司樂歌中呂舞大護以享先妣謂姜嫄為帝嚳妃為后稷母故特立廟以祀至宋元德懿德二后既有別廟之享章獻章懿二后遂有

奉慈之建每歲五享四時薦新上食如常儀茲遇

孝穆皇太后祔葬

茂陵所有神主宜於

奉先殿旁近宮空室改為別廟庶情文咸秩幽明允協矣

上從其議又手製璿璣玉衡圖以木代之規制工巧識者服其精致仕歸尚草奏安國禦夷十事上之卒所著有四書疑辨錄丘文莊公銘其墓曰明興百年多文學士士專一經惟用作義雷同勦說誰復致疑侃侃周公實惟經師剖析精微擿抉踈漏死者復生

亦不予咎學既宗經文必根理矧居顯位不徒尊已
人皆迂公孰知所存無待而興卓爾不群廖道南曰
予夙侍

帝座迴翔天門乃見洪謨所製璿璣圖者張乎于之
靈憲郭守敬之簡儀後先若符及讀五經疑辯錄則
又知其用心精密如此非有本而能然乎贊曰堯授
四時舜齊七政顯庇穹祇潛探玄運俗儒罔覺誦習
成書承訛襲舛白首紛如矯矯周公直窺象緯璿璣
製圖宗祧拆禮文莊之銘可謂知人闡幽明微以步
芳塵

侍讀學士晉禮部尚書李本

李本字立之四川富順人正統戊辰進士選庶吉士
授檢討轉編修預修一統志進侍讀

英廟實錄成遷南京太常少卿尋擢禮部侍郎陟尚
書卒賜祭葬如例本性質直不為詭異之行然慷慨
尚義聞有義舉則欣然為之其文章平實類其為人
平生不拘小節晚在禮部頗自豪縱言官劾其與世
浮沉非定論云廖道南曰夫莊生有言自處才不才
之間以其無近刑無近名也本也始而官吏局歷奉
常何其華也繼而登八座掌三禮何其要也然而名

不孚實悲夫贊曰玉壘之山山石巉巖錦江之水水雲潺湲巍巍邦彥蹇蹇王官夷考其人天路孔艱

學士晉南京吏部尚書王與

王與字廷貴常州武進人景泰辛未進士及第授編修天順癸未轉侍講侍

皇太子于東宮成化紀元遷左庶子兼侍講尋陞學士掌南京翰林院事守制服闕起為南京國子祭酒時教法久弛與嚴立規程精核勤惰雖權貴不少貸九載考績陞南京吏部右侍郎召入為戶部左侍郎尋陟南京戶部尚書改吏部考覈諸司官屬去取務

合輿論卒贈太子太保謚文肅與風采凝峻喜自誇詡居家侈靡子沂至右副都御史康達南曰予觀劉文安之贈文肅也以為事君服勤左右無方望其然矣及予棹毗陵過其里造其廬有陶朱倚頓之風豈其父子相繼而然耶不然何其豪奢綺麗至此極也贊曰於惟委札封于延陵高風邈攸洗濯清冷王氏之先世有膺仕曰諒曰忠不顯亦世嗣時厥後八座兩臺漸不可長亦已焉哉

學士晉工部尚書謝一夔

謝一夔字大韶初冒王姓江西新建人天順庚辰廷

試第一授修撰預修

英廟實錄遷左諭德成化辛卯十二月一夔上言彗
星之變災異至大謹上五事一曰正宮闕以端治本
二曰親大臣以詢治道三曰開言路以決壅蔽四曰
慎刑獄以廣好生五曰謹妄費以足財用

上怒斥之及預修宋元綱目進學士未幾擢禮部侍郎
陟工部尚書卒贈太子少保一夔為人和易平實
與人交久而益親尤篤于友義為文不事奇詭雕刻
其佐禮部則惟務交好不復持重初都御史閔珪以
江西多盜緣京宦佃戶窩聚占恠不發乃奏欲併坐

其主一夔與尹直銜之調珪於廣西或問之一夔曰
珪之謬也匪吾省李孜省密奏里閭其為紅巾乎自
是人始知朝政紛更皆孜省之為也庾道南曰予觀
江西志謂一夔言婉氣和善謀而成及觀其所上諸
疏侃而閤異而法有足追古者但比之匪人未免遜
尾可惜也哉贊曰南昌魁選前謝後舒杜門講學排
闥上書謝登亨顯舒抱於邑月旦有評予奚容喙

學士晉禮部尚書徐瓊

徐瓊字時庸江西金谿人天順丁丑進士及第授編
修預修一統志賜賚有差成化紀元預修

英廟實錄丁亥轉侍講典應天鄉試還進侍讀學士
掌南京翰林院事未幾陞太常卿掌國子監祭酒事
弘治庚戌擢禮部侍郎丙辰陟禮部尚書加太子少
保因四方災異上言請勤聖學崇君德罷齋醮停工
役禁傳奉辨忠邪數事

上可之瓊為人和易然托姻貴戚陞遷大驟臺諫論
列每及其石云廖道南曰自

國初以來官必久任政必歷試而後躋崇階列顯庸
漢儒所謂累日取貴積久致官者勢也瓊自天順至
弘治亦已久矣史猶譏其驟遷乃若後之朝滯省署
暮超巖廊者又何如哉贊曰翠雲銅斗寔開金谿黃
蜂王香迴繞丹梯乃生徐君穎異群兒詞林史局敷
歷以時禮曹胄監敷施有宜貽譏青史夫亦何為

禮部侍郎兼學士汪諧

汪諧字伯諧浙江仁和人舉京闈鄉試被革歸復舉
浙江鄉試天順庚辰登進士改庶吉士授編修預修
英廟實錄成化丁亥轉修撰秩滿遷右諭德修宋元
綱目成陞右庶子侍

東宮講讀

孝宗登極進少詹事兼侍講學士修

憲廟實錄充副總裁官弘治辛亥陟禮部侍郎兼學士請老許之卒贈禮部尚書諡義度整潔深中簡言慮事周悉晚益慎密子登中書舍人舉太常卿李文正公銘其墓曰惟浙東西山清水奇文獻之邦兮公在累朝史局經闡校文場兮為名侍臣為能史官主司之良考兮嘗聞顯曹渙號下頌表幽堂兮慶道南曰予初筮仕時乃見諧之二子登舉皆翩翩貴公子也其婉順脂膏如其父云贊曰惟彼錢塘右海左湖海色沆瀣湖光鬱紆彼美人兮清揚且都登台踐斗具有訐謨

學士晉吏部尚書倪岳

倪岳字舜谷應天上元人文僖公謙之子也謙初祀北岳禱于神其母姚氏感異夢生岳岳生而體貌豐偉目光炯然望之如神天順甲申登進士改庶吉士授編修預修

英廟實錄轉侍讀充經筵講官丁亥修文華大訓成進學士甲辰充

東宮講讀官丙午擢禮部侍郎弘治癸丑陟禮部尚書加太子少保儀文制度多所擬定如革淫祠正神號禁齋醮絕胡僧却西域諸疏詳盡四方災異必以

上聞其大者如

皇儲冠婚之禮

太廟祫祔之儀皆出其議未幾改南京禮部尚書再
改南京兵部參贊機務上言安邊五事一曰重將權
一統制二曰增城堡廣斥堠三曰募民壯去客兵四
曰明賞罰嚴間諜五曰實屯兵復漕運又上七事一
曰講學二曰修德三曰敬天四曰法祖五曰節宗室
六曰汰冗員七曰闢異端上皆嘉納之召入為吏部
尚書加太子少保卒贈光祿大夫少保謚文毅官其
從子霽為中書舍人岳有文武才畧在吏部銓選進

退各當其才或言別白大過終當畧若然則曰吾知家
宰之職當如是耳事當廷議上言裁決天下皆仰其
風采李文正公銘曰公官北都派出鍾阜若麟鳳在
藪踵接科第繼踐台斗若玉在崑園為文章宗為
經濟手若錦在織若鐘應扣庭克廟薦若商彞周貞
暨掌天曹為百僚首若鏡在懸鑒物奸醜若鋤在田
務拔稂莠拒捍強禦鎮定紛糾若虎豹在山藜藿為
守若駕輕載重驅疾以走苟非其才踣者十九古亦
有言君子大受旂常竹帛公且不朽廖道南曰先大
夫五洪公以弘治癸丑舉進士時李文正公主試事

倪文毅公知貢舉及甲寅誕夕乃夢二公至庭命名授誥以故聞文毅之事為詳於乎安得起公于九京而與之籌國也哉贊曰鍾山雄峙萬峰繇焉大江迴繞百川環焉桓桓文毅嶽降賢焉明明勲業史局傳焉眇予小子夙兆先焉嚴訓如在奉周旋焉

學士晉禮部尚書傅瀚

傅瀚字曰川江西新喻人天順甲申進士選庶吉士授檢討成化間轉修撰

皇太子出閣命兼司經局校書遷左諭德兼檢討克經筵講官弘治紀元擢太常少卿兼侍讀預修

憲廟實錄成進太常卿兼侍讀學士賜告歸省還擢禮部侍郎兼學士掌詹事府事仍直日講預修會典克副總裁官陟禮部尚書率諸曹疏陳三十餘事不報初瀚疾同鄉監生江瑤誣奏大學士劉健李東陽既而恐謀泄遂嫁其禍于詹事程敏政大學士謝遷尚書王華咸中誣之及敏政死瀚代之家人驚見恠異瀚憂悸成疾卒贈太子太保謚文穆子為庶吉士授監察御史廖道南曰予讀國史於瀚極其些言議謂敏政之死瀚實構之及觀西涯所撰墓銘則又獎與無間詞何也豈其實有之與將誣之也贊曰豫章

之郡盤龍眇縣五星奠位二峰柱天三劉博雅三孔
仁賢彼哉曰川何獨不然

學士晉禮部尚書李傑

李傑字世賢蘇州常熟人成化丙戌進士選庶吉士
授編修轉侍講乙巳克

東宮講讀官進侍讀學士弘治初遷左庶子仍兼前
職辛亥陞南京國子祭酒守制服闋改太常卿兼侍
讀學士掌院事庚申擢禮部侍郎正德紀元預修

孝廟實錄充副總裁大學士焦芳擅竄國史傑亦未
如之何書成陟南京禮部尚書丁卯調禮部時逆瑾

用事晉府鎮國將軍表棟賂瑾求封為郡王傑持正
不與瑾銜之竟以是去廖道南曰瑾之柄國害焰薰
灼一時附麗奔走惟翰苑居多傑乃不辱其身不挫
其志亦可尚也贊曰漢之五侯唐之八閹若趨炎海
若倚冰山傑也人傑掛冠蘇門跡雖往矣神則猶存
侍讀學士晉禮部尚書張昇

張昇字啓昭江西南城人成化己丑進士第一授修
撰侍

皇太子于東宮充講讀官遷左贊善轉右諭德
孝宗登極進左庶子兼侍讀欽大學士劉吉抑己因

天變効奏萬安尹直相繼罷去獨劉吉尚留深結科
道昏暮款門求佞取悅無所不至貴戚萬喜依憑官
壺兒焰燠灼吉與締姻請托公府賂入私門亟宜斥
譴如漢策免三公以應災異可也疏上御史魏璋等
阿吉意交章論之坐左遷南京工部員外郎會吉去
召還復職陞少詹事兼侍讀學士尋擢禮部侍郎陟
尚書時崔志端以樂舞生為同官昇每裁抑之御史
楊儀之子從禮曹游偶遇昇撻之儀遂効昇言官爭
相論列致仕加太子太保逆瑾時復起為尚書為晉
藩事忤瑾意奪加官卒贈太子太傅謚文僖廖道南
曰予觀南城志謂昇宦業益懋凡周祀典擇賢才禁
奢靡重名器省供應可身任者次第行之及攷國史
則又力詆其狀如此豈名實不相副耶贊曰南城二
史啓昭景鳴啓昭姪珂景鳴崢嶸於之古昔魯韋李
觀二賢往矣誰其克紹

侍講學士晉工部尚書董越

董越字尚矩江西寧都人成化己丑進士及第授編
修轉侍讀甲辰選侍

東宮講讀充經筵講官弘治改元遷右庶子兼侍講
孝宗登極詔使朝鮮宣布德意却其餽遺有賦以紀

其國俗預修

憲廟實錄陞太常少卿兼侍講學士克日講官尋擢
南京禮部侍郎陟工部尚書卒贈太子少保謚文僖
越修眉長身博洽善議論成化末諸執政大臣不相
能其門客各有所厚獨越出入諸公之門皆得其懽
心議者以是少之予天錫仕至大理卿李文正公銘
其墓曰謂成之艱殊若易然東隅桑榆惟公有焉謂
壽之艱而不其然坦途摧車抑又誰愆虧盈益謙天
道則有栽培傾覆人所自取數弗或值理則可守其
所未竟以遺厥後廖道南曰予觀寧都志稱越清介

端謹館閣推重然讀文正公之詞似若有憾焉而史
亦不之褒也贊曰金精凌雲山祗儲禎度化澄清水
若鳩靈乃誕董君為國重臣胡然而然國史有評

侍讀學士拜禮部侍郎費閭

費閭字廷言鎮江丹徒人成化己丑禮部會試第一
選庶吉士授編修丙申充經筵官丁酉遷國子司業
丁未轉左諭德仍理司業事戊午陞祭酒

孝廟初開經筵充講官車駕視學賜坐講肆倫堂褒
諭宴資士林榮之及直日講改少詹事兼侍讀修
憲廟實錄成進詹事兼侍讀學士越月擢禮部侍郎

卒年五十有八閭長身偉貌論議疊出臨事通變廉
慤且恭謹自持人恒以公輔期之其在國學最久士
千多所造就倪文僖公撰神道曰江東有木梗與章
根蟠厚地摩青蒼匠石睥睨喜欲狂萬牛必致歸明
堂輪困旁磚簷巖廊巍然屹立時之望風雨侵陵靈
且傷用之未久嗟淪亡廖道南曰夫太上立德其次
立功其次立言史稱閭恭謹近於有德者而議論疊
疊又何能言也豈所謂三者無一於是耶賁曰太江
東來趨于丹徒兩峰水殿三茅天都峨峨費君幼有
壯圖侃侃閭閭雄蓋萬夫

禮部尚書兼學士吳寬

吳寬字原博蘇州長洲人初以貢入太學督學御史
陳選惜其才令就試登應天魁選成化壬辰會試廷
試皆第一授修撰秩滿選右諭德克

東宮講讀官寬上疏勸講聖學無分寒暑

孝宗嘉納進左庶子兼侍讀預修

憲廟實錄成陞少詹事兼侍講學士尋擢吏部侍郎
守制服闋召入典誥勅修會典充副總裁書成陟禮
部尚書兼學士仍典誥勅

孝肅太皇太后祔廟詔議其禮寬獨引周姜嫄事請

別廟奉享或議吳澄不當從祀實謂有益經學議上
俱從之卒贈太子太保謚文定官其子奭為中書舍
人李文正公銘其墓曰維世有望間不容偽上有廷
論下則輿議遠且賤者夷狄奴隸彼憚不知孰強而
致其所自致匪爵匪位矧其兼之功詎云易惟上不
朽公亦有二有德有言功則未既廖道南曰予觀其
志謂寬靜重醇實自少至老人不見其過不為慷慨
激烈之行亦未嘗碌碌苟隨既而觀國史稱寬行履
高潔志操純正勢利所在退避若懦蓋其所得者深
矣贊曰人有恒言老成典刑士林耆耆策府權衡惟
匏菴公者德碩人沉渾確實有典有文文正有銘文
定有評書之琬琰無愧名臣

侍講學士拜兵部尚書楊守卬

楊守卬字維立文懿公守陳之弟也成化戊戌進士
及第授編修秩滿轉南京侍讀弘治紀元預修
憲廟實錄克經筵官辛亥遷左諭德乙卯進侍講學
士戊午侍

皇太子于東宮尋擢南京吏部右侍郎庚申攝南京
兵部事因災異疏陳時政辛酉攝南京國子監事卹
生徒清吏弊人咸稱之壬戌考績入京預修

會典克副總裁書成轉左侍郎加尚書致仕卒贈太子少保守阯性耿直為諸生時上書論救祭酒陳鑑邢讓司業張業有何蕃石大用之風從兄守隨為工部尚書守陳為吏部侍郎從弟守隅為布政使從子茂元為刑部侍郎茂仁為按察使一門貴盛當時莫與儔云李文正公銘其墓曰四明山高東甬長二川交流滙其旁中結靈秀成文章前有一樓後二楊文懿多聞天下望公也奮翼相低昂天子置之白玉堂兩都官重登巖廊五色共補山龍裳政皆弗竟文則昌終如莫邪會千將廖道南曰予讀碧川文稿其論天下事若指諸掌略無依阿腆臆而耿直孤抗蓋其得于家庭者多矣贊曰讜言不諱國是惟賢直氣不回士節則堅金紫盈門圖書滿筵誰弭彤管願續青編

侍讀學士晉南京兵部尚書張濬

張濬字仲湜廣西全州人成化戊戌進士選庶吉士授編修弘治己酉轉侍講戊午充東宮講讀官辛酉主考順天鄉試己丑進侍讀學士武宗登極陞學士遷國子監祭酒正德丁丑擢禮部侍郎己巳陟南京禮部尚書辛未改南京戶部又改

吏部時儲位久虛濬率同儕請建大子言甚剴切甲戌改南京兵部參贊機務條陳八事又奏革守備廳冗官凡百推用不容請託人皆服其公乙亥致仕加太子少傅卒濬性剛褊與人多不合其在戶部清查遠年逋賦論者謂劉瑾方事督責而濬多附之及瑾誕日以金壽星為獻濬後極詳辯未可知也石文隱公銘其墓曰奕奕留都大江為池不有虎臣孰張王師公總機務惟善是力望之巖巖千仞其壁固我藩籬人莫敢窺汲也難惑范乎可欺三軍易奪萬夫吾往是謂理勝非以力強人曰惟公有統馭才公在經筵天日可回人曰惟公以嚴肅職公在冑監養士以德抱直而行積信以施遠道干譽公亦咄之公雖云亡有不朽存湘山峨峨以固其源庾道南曰予即石文隱公剛介士少許可而於濬極其稱譽非有所試耶贊曰桂林之潯湘水清漪星崖風洞幽真所栖竹所金川後先挺奇人之軒輊莫敢我欺

學士晉南京禮部尚書江瀾

江瀾字文瀾浙江仁和人成化戊戌進士選庶吉士授編修弘治戊申預修憲廟實錄轉侍讀甲寅充經筵講官是冬冊封荆王

乙卯典應天鄉試丙辰簡侍

京官講讀拜文幣金帶之賜庚申擢侍讀學士預修會典壬戌進學士預修通鑑纂要甲子典順天鄉試乙丑遷少詹事兼學士丙寅預修

孝廟實錄充副總裁尋轉吏部侍郎值逆瑾用事張綵驟握銓柄憾瀾不附已改陟南京禮部尚書祇肅禮祀禱雨輒應未幾卒瑾敗贈太子少保謚文昭所著有銓曹春亭東川瀛州諸藁廖道南曰予嘗友東川之子司空景熙太史景孚俱負雋才抱奇氣不少下人及考其誥詞則又稱其持重老成小心恭謹夫

固有不可及者矣贊曰謙謙君子大猷克升溫溫恭人大雅不群緬懷幽姿幸觀厥子令聞懋昭有孚神理

侍讀學士拜禮部侍郎馬廷用

馬廷用字良佐四川西充人由鄉舉入貢監大學士丘濬時為祭酒季試諸生大加稱賞名遂大振登成化戊戌進士改庶吉士授編修丁未轉侍讀克經筵官乙卯典順天鄉試預修

大明會典進侍讀學士掌南京翰林院事尋陞南京禮部侍郎致仕卒贈南京禮部尚書廷用敦朴樂易

所存鯁介臨事能斷在南京嘗攝戶部會江北大饑
流民渡江就食者相屬獨持議發廩不俟奏請所全
活甚多外守備官與太常議不合判數語立決為詩
文亦華贍久居散地勇于求退士論多之子金官布
政使禽知府廖道南曰予觀楊守卬贈馬廷用為學
士引二程二蘇為說夫二程穆乎貞矣若二蘇亦豈
易得哉當文莊為祭酒時已識廷用為異才厥後所
造不逮所稱豈亦惑于流俗未反諸古耶贊曰金峨
岌業錦川浩蕩山祇水若靈氣充盈偉哉良佐有聲
于時虎閭鷺澤莫敢參差晚步春卿激流勇退知止
知足庶幾無愧

學士晉禮部尚書白鉞

白鉞字秉德真定南宮人兵部尚書圭之子也成化
甲辰進士及第授編修弘治丙辰轉侍讀己未克
東宮講讀官進侍讀學士甲子典應天鄉試正德丙
寅陞學士克日講官丁卯命授庶吉士業掌院事擢
禮部侍郎尋改吏部陟禮部尚書賜玉帶庚辰命兼
學士掌詹事府事典誥勅加太子少保卒贈太子太
保謚文裕李文正公銘其墓曰世紹科第家為公卿
我自得之匪祿蔭是膺克翹第華業擅文武我以文

試匪甲冑為伍士門有學惟經史子曰我所以任固
其在此官則有職天地人曰帝有命我曷敢弗寅進
敷講幄入掌綸誥凡所施用類皆文教父曰恭敏子
曰文裕惟千百禩以求終譽虞道南曰予觀西涯所
撰墓志稱鉞為人重厚政尚寬簡不為駢駸之行瑣
屑之節及讀國史謂鉞值逆瑾時多所遜避亦不失
正其然乎其不然乎贊曰惟韓魏公忠彥相繼惟張
魏公南軒為嗣恭敏為父文裕為子尚友古人庶其
在此

學士晉禮部尚書傅珪

傅珪字邦瑞保定清苑人成化丁未進士選庶吉士
授編修弘治丙辰命兼司經局校書預修會典遷左
中允兼編修乙丑轉左諭德兼侍講充經筵講官正
德紀元預修

孝廟實錄丁卯典應天鄉試戊辰復典武舉己巳命
授庶吉士業充日講官時劉瑾擅權降修撰尋以實
錄成復左中允進侍講學士明年陞學士典順天鄉
試擢吏部侍郎三載陟禮部尚書瑾初敗事多變革
珪振舉綱維悉守成法杜絕請謁人不敢干以私嘗
條陳十餘事不報遂致仕去卒以從子榮為後蔭中

書舍人陞禮部主事大學士梁儲銘其墓曰嗟北潭古遺直曰為臣惟舉職事感中義形色言必詳行必立雖音獲靡能易廖道南曰予從中書省嘗見蔡之為人和易溫雅及蔡奉使長沙過予蒲野寄興高遠怡情枯愉可以想見北潭公也夫王謝之門多奇士房柱之後無佳兒其然豈其然乎贊曰和而能介剛而能潛處盡能飭處困致亨不激以抗不隨以遷斷斷無他北潭有焉

侍講學士晉禮部尚書吳儼

字克溫常州宜興人成化丁未進士選庶吉士

授編修丙辰克經筵講官

武宗出閣兼司經局校書庚申轉左中允辛酉進侍講學士掌南京翰林院事正德丙寅召修

孝廟實錄克經筵日講官兼修玉牒丁卯典順天鄉

試時逆瑾恃寵招權儼於第二場以為臣不易命題

瑾心已惡之會儼擅娶經選掖庭女子瑾益振怒是

歲朝覲考覈傳旨罷之瑾誅復職未幾擢南京禮部

侍郎壬申調禮部持節封益府丙子陟南京禮部尚

書丁丑

武宗北狩宣大衛府部大臣上疏諫不從未幾卒謚

文肅廖道南曰予嘗友儼之子驥見其雅飭不矜頗有父風及讀國史謂儼性方嚴操履勤慎居鄉有士行當官能自立瑾之媒孽豈其然乎贊曰昆陵之澤陽羨之村樸菴為祖審菴為孫清白相踵高華自榮夷考其行視諸史銘

學士晉禮部尚書毛澄

毛澄字憲清直隸太倉州人弘治癸丑廷試第一授修撰丙辰同考會試己未預修會典癸亥轉左諭德兼修撰預修通鑑纂要甲子侍皇太子于東宮充講讀官數奏明暢

孝宗聞之甚喜徹御前中秋宴以賜之乙丑武宗登極擢左庶子兼侍讀賜金帛東帶預修實錄值內艱歸逆瑾柄國奪所陞秩瑾敗起復仍官侍讀庚申進侍講學士典順天鄉試九月署國子監事辛未充廷試讀卷官擢學士充日講官壬申掌院事教庶吉士讀書甲戌主考禮部會試尋陞吏部侍郎丁丑進階通議大夫陟禮部尚書值

武宗南巡公上疏諫阻兵部尚書彭澤坐哈密事將置重典公預廷議首救免之己卯賜蟒衣玉帶逆濠就擒江彬擁邊矢邀駕駐通州命文武大臣出迎

人人自危公倡正議謂當訊讞告廟悉從之辛巳四月同駙馬都尉崔元奉迎

今上于郢邸賜白金千鎰綵段十襲預修武廟實錄克副總裁加太子太傅冊立

中宮皇后克副使持節行禮未幾以議禮弗協乞休卒于興濟舟中贈少保謚文簡子希原為都事廖道南曰文簡公與先大夫五洪公為同榜及予小子就試禮闈公為宗伯知貢舉雅知素履為詳既而讀邵二泉所撰行狀稱公資性明粹神采秀朗容止莊潔平生言行無少偽犯而不校遇事正直不以利害少

屈濟物薦賢恒如不及而未嘗自言於乎非知之深者不能言之至此切也贊曰才為國華大廷之魁德為國範太古之儒貌不勝衣言不出口勲載宗社名齊山斗偉哉若人真我父師敬誦遺訓若寶著龜

殿閣詞林記卷之六

館學

弘文館學士封誠意伯劉基

劉基字伯溫浙江青田人年十四耶領春秋大義元至順癸酉以明經舉進士授高安丞揭文安公受碩一見奇之曰此魏徵流也而英特過之他日其濟時之器乎初基游燕京見書肆有象緯占經閱之經夕談誦如流其人大驚欲舉以授之基辭曰業已習矣及丞高安有進賢鄧祥甫者精於天文術數廼以其學授基焉治高安有能聲江西行省辟掾史基辭去

尋起為江浙儒學提舉又辭去嘗與魯淵宇文公諒
泛西湖有異雲起西北祥光煥映湖波如綺諸人皆
賦詩記之基獨縱飲不顧徐呼曰此天子氣也應在
金陵十年當有王者起其下我當輔之衆駭以為狂
悉舍之去基獨與門人沈與京劇飲湖亭時無能知
者惟西蜀趙天澤以為隆中諸葛也方國珍起兵海
上元帥朶兒只班被其誘脇省憲遂舉公為帥府都
事基募兵平山寇吳成改行樞密院經歷與叅知政
事石抹宜孫守處州以拒國珍遷行省郎中經畧使
李國鳳上其功執政者貪得國珍賂遺奏入不省授
以判官基又辭去歸青田山中乃著郁離子書我
高皇帝取婺州遣孫炎聘基基指乾象謂人曰此天
命也吾其行乎基至金陵上時務十八策
上嘉納之會陳友諒入寇或謀以城降或以鍾山有
王者氣歆趨據之

上問基曰先生以為何如基曰先斬主降議及奔鍾
山者乃可破賊爾

上曰先生計將安出基曰天道後舉者勝若散府庫
開至誠以固士心伏兵伺隙擊之取威制敵在茲一
舉已而友諒至果大敗走復將討友諒于九江基曰

尋起為江浙儒學提舉又辭去嘗與魯淵宇文公諒
泛西湖有異雲起西北祥光煥映湖波如綺諸人皆
賦詩記之基獨縱飲不顧徐呼曰此天子氣也應在
金陵十年當有王者起其下我當輔之衆駭以為狂
悉舍之去基獨與門人沈與京劇飲湖亭時無能知
者惟西蜀趙天澤以為隆中諸葛也方國珍起兵海
上元帥朶兒只班被其誘脇省憲遂舉公為帥府都
事基募兵平山寇吳成改行樞密院經歷與叅知政
事石抹宜孫守處州以拒國珍遷行省郎中經畧使
李國鳳上其功執政者貪得國珍賂遺奏入不省授
以判官基又辭去歸青田山中乃著郁離子書我
高皇帝取婺州遣孫炎聘基基指乾象謂人曰此天
命也吾其行乎基至金陵上時務十八策
上嘉納之會陳友諒入寇或謀以城降或以鍾山有
王者氣欲趨據之

上問基曰先生以為何如基曰先斬主降議及奔鍾
山者乃可破賊爾

上曰先生計將安出基曰天道後舉者勝若散府庫
開至誠以固士心伏兵伺隙擊之取威制敵在茲一
舉已而友諒至果大敗走復將討友諒于九江基曰

金星在前火星在後克之必矣
上大喜即出師攻皖城自旦至晡不拔基請徑趨江
州遂拔之友諒走湖廣其洪都守將胡廷美遣子約
降預請禁約數事

上有難色基自後錫所坐胡床頓悟許之廷美以城
降先是嘗遣都督馮勝出攻基授以方畧俾夜半俟
望青雲起則我兵宜伏見黑雲則彼寇兵伏也慎勿
妄動黑雲漸薄與青雲接此寇歸也宜急追之果如
所料基以母富氏喪奔歸過衢州值苗軍叛殺守將
胡大海耿再成孫炎等夏毅時守衢城驚懼失措基
徐為畫計且諭諸軍以禍福衆乃定遂與平章邵榮
擒苗帥賀李等克復諸城方國珍素畏基名遣間致
書問基因宣布威德諷使歸順方氏納款

上遣人訪基以軍國重事基隨問條荅悉合機宜及
還都道經建德會張士誠寇其城守將李文忠欲奮
擊之基曰不出三日賊可成禽也比三日黎明基登
城望曰賊走矣趨使疾追至東陽悉禽之基至入謁
上問曰友諒據楚士誠據吳二者孰先伐之便基曰
友諒居上流名號未正宜先伐之友諒既平取士誠
如囊中物爾已而友諒復攻洪都

上親征之大戰于鄱陽湖勝負未決基密謀移軍湖
口以金木相犯日制勝

上皆從之陳氏平遂決計伐士誠暨北定中原基運
籌居多

上時至基所屏人語移時乃去人莫知之乃以基為
太史令一日基見日中有黑子奏曰東南當失一大
將時叅軍胡深征閩果覆沒他日

上欲刑人基曰何為乃語以所夢基曰三人頭上有
血此衆字也以土傳之得土得衆之象也後三日當
有驗越三日海寧果以城降

上大喜悉以所留刑者俾基縱之是年熒惑守心群
臣震懼基勸罪已以回天意

上即詔諭群臣人心始安值大旱命基讞滯獄多所
平反天降澍雨張昶上請群雄既平宜及時為樂基
曰是欲為趙高也昶色動乃使齊翼巖等伺基欲中
之傷

上庶得其情昶翼巖伏誅未幾為御史中丞兼太子
贊善大夫

上北巡命丞相李善長及基留守京師且敕以督察
奸惡以肅輦轂基素剛嚴凡中書內府闈人吏胥有

犯即捕治宦者監工匠不肅及宿衛舍人奕棊基啓
皇太子悉宣於法有中書都事李彬者犯法基即廢
之善長祈緩其獄弗得遂啗之

上還都基言曰鳳陽固帝鄉非天子所都之地雖置
中都不宜居也擴廓帖木兒雖可取然未易輕視願
留意基辭歸青田適章溢奏定處州田稅
上命減稅畝止五合且曰使劉伯溫子孫世為美談
也厥後定西失利擴廓帖木兒北走沙漠

上乃手詔召基畧曰爾從朕于群雄未定之秋居則
匡輔治道動則仰觀天象察列宿之羅布驗日月之
光華發蹤指示無征弗克竣皖城拔九江撫饒郡降
洪都取武昌平處州爾多力焉至于彭蠡麇戰砲聲
如雷鬼神悲號星日晦冥自旦至暮如是者四爾時
在舟中脩嘗患難今久而未至朕心慙焉命駕一來
朕心良慰基至

上欲拜之爵基曰陛下乃天授臣何敢貪天功固辭
不拜

上以事詰書丞相善長基曰善長勲舊且能輯和諸將
上曰是數欲害汝者汝反為之地耶汝之忠勲足以
任此基曰譬如易柱必得大木若用小木為之將速

顛覆如臣駑鈍尤不可爾

上欲相楊憲基與憲素厚乃直言曰憲有相才無相器夫宰相者持心如水以義理為權衡而已無與焉者也今憲不然能無敗乎

上曰汪廣洋何如基曰器局褊淺觀之可知

上曰胡惟庸何如基曰彼小犢爾將償轅而敗犁矣

上曰吾之相無踰于先生基曰臣非不自知但臣疾

惡太深不任繁劇為之且孤厚恩天下何患無才願

明主悉心求之如目前諸人臣誠未見其可

上嘗與論兵曰克敵在兵制兵任將兵無節制則將

不任將非其人則兵必敗是以兩軍之間決死生成

敗之際有精兵不如良將基曰臣每觀廟筭初謂未

必皆然及摧鋒破敵動若神明臣由是知將之勝又

不若主之勝然陛下不拘古法而勝尤人所難

上曰兵者謀也因敵制勝豈必泥於古哉戰陳之事

闔闢奇正頃刻變化如風雲之無常勢要在通其變

爾三年七月以為弘文館學士十一月大封功臣拜

誠意伯錫之誥命追贈其祖父皆永嘉郡公四年正

月賜歸田里遣子璉赴闕謝恩并上平西蜀頌

上手書優答且問以天象基覆上言霜雪之後必有

陽春今國威已立宜濟以寬

上命以其書付之史館或有言殺運三十年未除者
基嘆曰吾若當國掃除弊俗一二年後寬政可復也
初甌括間有隙地曰談洋基言於

上以為頑民負販私鹽因挾方寇為亂宜設巡檢司
上從之及設巡檢司民以為非便適茗洋作亂郡縣
匿不以聞基令子璉奏之時胡惟庸柄政憾其所奏
乃謂基圖談洋為已墓地詔以基勲舊赦勿治仍奪
其祿先是楊憲敗後汪廣洋為相復敗胡惟庸繼之
基大感曰使吾言不驗蒼生福也如其驗諸其如蒼
生何八年正月胡惟庸以醫來視疾飲其藥二服有
物積腹中如石基白于

上亦未之省也乃御製文一通遣使送歸及家一月
而薨年六十有五所著有覆瓿集寫情集反犁眉公
集廖道南曰予觀誠意伯集慨然激嘆以為有子房
之風及誦我

聖祖之言亦曰吾子房也夫子房椎擊沙中何異於
伯溫之憤方氏也伯溫受天文于鄧祥甫又何異于
圯上老人之三畧哉漢之元功大封子房願封留足
矣乃辟穀導引明哲保身始神黃石之術終從赤松

之游易曰介如石不終日貞吉何其智也而伯溫乃徘徊容與雉罹于羅象以薩焚豈其忠於國而弗智於身耶彭韶贊曰華淪於夷曷仕於時夷歸諸夏仕止乃宜就桀就湯節義奚虧大哉王佐燭物炳幾運籌制勝翼龍以飛昭回制作文章是咨允為宗臣爾爵爾祠

弘文館學士羅復仁

羅復仁字江西吉水人初從陳友諒為編修甚見禮遇歲壬寅

太祖高皇帝兵至九江復仁來降命侍左右癸卯從

破友諒于鄱陽湖命齎蠟書招諭臨江袁州諸郡甲辰除中書省諮議性率直每論事指陳得失無所隱避益親信之及武昌久圍不下

上以復仁友諒舊臣令往招諭其子理復仁至城下號慟不已理怪之使召之入復仁曰今不降大兵且屠城諸民何罪早為之所則族可保也理由是遂降復招諭江西還為國子助教以老賜車出入每宴見賜坐飲食丙午春奉使山西招諭元將擴廓帖木兒前使多被拘留復仁議論慷慨獨還洪武元年擢編修二年冬齎詔諭安南命毋侵占城既至曉以大義

安南王悅服還贈以黃金吉貝復仁辭不受歸奏之
上多其廉讓適安南使者至仍令持之以歸改翰林
檢閱未幾拜弘文館學士屢召論復仁多土音質俚
上以其率直多見聽納尋乞休賜大布之衣書曰性
雖粗率忠直可嘉賜爾布衣放歸田里仍賜玉帶名
馬鐵柱杖坐墩諸物

上嘗幸其第復仁方操塗具急呼其妻取筦故
上每呼為老實羅云廖道南曰馬援有言非惟君擇
臣臣亦擇君夫中原鼎沸醜虜羶汙群雄角立未知
鹿死誰手復仁乃能辭其故主翊載

真龍推心置腹直見本真綸綍寵褒非溢美也贊曰
朴而不浮慤而有真却金知義賚布知仁玉帶溫栗
鐵杖堅貞大哉奎章照耀山城

弘文館學士危素

危素字大朴撫州金谿人年十五能究五經大旨與
同郡葛洪曾堅黃鳴更相策勵乃從吳沉范梈遊遂
知名薦入經筵為檢討歷陞學士承旨奏請加封朱
考亭楊龜山李迺平真西山蔡九峰從祀俱從其論
國初徐達收燕京令故臣咸投告身素與編修黃鳴
誓死于難有報國寺僧梓者救之乃免而得竟死矣

達乃以素歸

上雅聞素文學仍命為侍講學士因進言宋朝諸陵為元西僧所發以理宗頂骨為飲器

上聞之惻然曰宋南渡諸君無大失德與元又非世讐既乘其弱取之何乃縱奸人肆酷如是耶即命守將吳勉訪索頂骨得之僧廬命有司厝于京城之南紹興亦以永穆陵圖來獻命掩瘞故處時值甘露降宋濂為頌

上問素此何徵也素曰王者愛養耆老則甘露降而松柏受之尊賢容衆則竹蒿受之今甘露降於松是陛下養老所致也宜以制幣冊告

宗廟頒于史館以永休聞三年四月命素及胡鉉睢稼王大中俱為弘文館學士鉉歸素撰皇陵碑以獻上念其老賜小車免朝謁時從論說經史質証疑義御史王著等劾素亡國之臣不宜居侍從乃謫居和州之含山所著有宋史稿元史稿文集五十篇奏議三卷宋濂銘其墓曰大明方隆多士景從有詔任公侍講禁中公文之純大音玄酒道則在茲爵祿何有孰高為山孰深為淵文之有傳終古昭宣廖道南曰素仕元秉文衡都樞要學者仰之如星鳳及徐達收

燕薊命仕元者投告身素與編修黃暉約死於難暉死而素背約焉及至躋顯榮陟清華愧東閣之履聲慘南滁之汗顏竟自經于溝瀆而不之恥莊生有言哀莫大於心死素之謂矣贊曰華國之才救時之略其學博雅其操簡約鳥則擇木魚則依水為臣不二有負斯語

宮學

左春坊大學士董倫

董倫字安常順天宛平人所學浩博沉潛學者從之稱為貝川先生洪武十五年張寧以明經薦入朝奏對稱旨授春坊贊善大夫侍懿文太子陳說剴切高皇帝嘉之未幾補河南叅議二十五年改詹事院為府遴選東宮官屬以唐鐸為詹事祝春李文吉為少詹事而以倫為春坊大學士倫薦葛伯衡代已三十年以詿誤坐事謫雲南教官

皇太孫憐之賜白金為道里費倫涉淮潞汴驅馳梁雍以達于蜀蜀王聞而重之賦詩八章以贈其行時雲南初開倫以身教用夏變夷遠人嚮慕建文中召入為禮部侍郎兼學士階嘉議大夫

御書怡老堂三大字及髹几玉鳩杖各一倫上表畧

云臣素無閥閱功勞兼乏智能才藝徒知篤信于古道自分無用于明時幸蒙

高皇帝之知忝拜左春坊之命任臣以兩宮輔導之職竊臣為三葉帝王之師茲者踐祚之初乃復馳書以召蒼顏白髮萬里來歸金馬玉堂十年如昨自今持杖戒噓則思兆民或阻于飢凭几安身則念一物或失其所乃方孝孺代撰也先是解縉代夏長文章奏劾都御史袁泰謫河州至是倫薦之召還為侍詔其汲引士類如此廖道南曰予觀順天志稱倫端厚質實及考諸國史乃知其歷履夫方遜志解春雨皆

名儒也或代之撰表或受其薦刻其人品高尚可徵也已贊曰

真人格運哲士景從獻策彤廷授經青宮出補大藩入司坊學侃侃大節卓被先覺

左春坊大學士李至剛

李至剛名銅以字行浙江寧海人少從楊鐵崖游洪武初以明經舉侍

懿文太子初授祠部試郎中坐事謫戍邊未幾召還為虞部郎中尋補河南參議會河決汴堤賴以匡濟調湖廣參議

太宗登極至剛來朝擢右通政預修

高廟實錄陟禮部尚書甲申冊立

皇太子命至剛兼左春坊大學士初開經筵同鮮縉
進講及修永樂大典多所裁定侍郎宋禮劾之降儀
制郎中及縉被譖詞連至剛下詔獄
仁宗嗣位復以為通政改守興化府卒子源中永樂
甲辰進士廖道南曰予讀楊文貞公所撰至剛墓表
稱其入典邦禮輔

儲君出佐藩翰守名郡顯庸光大雖間歷夷險然回
眎同儕輦覆滅消亡何可勝計蓋指縉也及收縉所
評至剛語曰誕而附勢雖才不端

太宗後舉以告

仁宗曰至剛朕洞燭之矣縉語有微非狂士也於乎
豈士奇亦忌縉耶贊曰崛強此老敖歷居多屢遭奇
禍弗罹于羅大紳少之文貞則多
聖謨如在人其謂何

右春坊大學士曾棨

曾棨字子啓江西永豐人永樂甲申進士第一授修
撰軀儀膚碩問學敏贍

太宗奇其才命解縉選二十八人為庶吉士進文淵

閣祭為之冠

上嘗召問祭應對如響命撰天馬海青歌揮筆立就
詞氣豪宕預修永樂大典充副總裁官丁亥轉侍講
守制

車駕幸北京起復扈從同邑有坐建文間黨繫者人
咸為祭危又所居西長安門失火延及禁垣

上皆以祭故不問秩滿進侍讀學士重修

高廟實錄成駢沐賜賚

仁宗嗣位遷右春坊大學士仍兼侍讀階奉議大夫
宣德改元預修

內朝實錄成賜金織襲衣寶帶擢少詹事仍兼侍讀
學士卒贈禮部侍郎楊榮銘其墓曰永樂初科首賜
及第玉質金聲為國令器居官翰苑克慎克勤文行
之懿遠近著聞廖道南曰予觀國史謂祭溫雅英邁
喜推薦士學博才曠為文沛然惜乎天不假之以年
未究厥終也贊曰渥渥神駒奔風逸電丹穴威鳳雲
輝星爛子啓之才夙自天成大廷擢魁官府垂名天
奪之速齋志以沒長篇大章照耀石室

詹事兼侍讀學士李泰

李泰字文通順天香河人正統戊辰進士選庶吉士

授編修景泰間遷左春坊司直郎兼編修再轉右中允
英廟復辟改尚寶司丞兼編修既而侍

東宮講讀轉侍講成化改元陞侍講學士兼經筵官
尋侍文華日講預修

英廟實錄成陞少詹事兼侍講學士未幾進詹事兼
職如故卒年四十三賜祭葬贈禮部侍郎太監李永
昌泰之伯父也正統中掌章奏有寵泰為其後初應
鄉試京尹進錄

英廟問左右李泰中否見其名甚喜及官翰林頗知
向學矜已自足性狷僻與人寡合而所與者則相朋

此汲引士論以是薄之廖道南曰予讀小說家見唐
有皮思謙者冒中常侍魚朝恩之寵登高科歷顯仕
未嘗身為其後獲居宥密如李泰者也嗟呼翰林清
要貴重匪宿儒不可以斯人踐斯地豈非子殿國師
齊之辱乎贊曰曹瞞後騰思謙冒恩史局溷處掖庭
與援泰也雖才歷試則愆鳴蹲鳳池有汗斯顏

吏部侍郎兼侍講學士楊守陳

楊守陳字維新浙江鄞縣人景泰辛未進士選庶吉
士授編修預修一統志轉侍講

憲宗登極充經筵講官一日講尚書武成篇守陳曰

古稱舜無為而治武王垂拱而天下治蓋聖人勞于求賢佚于得人後世人主深居禁中委政內侍者召望夷之禍高拱無為肆情嬖豔者啓祿山之變孟子所謂安危利菑此之謂也時中官梁方及昭德萬妃有寵故守陳及之聞者悚然未幾遷司經局洗馬進侍講學士

孝宗出閣命侍講讀時議

憲廟升祔禮守陳上言古者天子七廟祖有功宗有德凡號太祖者即始祖當尊以配天若商周之契稷則又以功論不以統論也宋之僖祖可比商報乙周亞圉非契稷此議者徒取王安石之說遂使七廟之間既有始祖又有太祖既以配天又不正南向之位名與實乖皆非禮也今升祔

憲廟請并祧

德懿熙三祖自

仁宗以下為七廟異時祧盡則以

太祖擬商周契稷而祧主藏于後寢祫禮行于前廟時亨則尊

太祖祫祭則尊

德祖各不失尊庶無悖禮執政不能從及修文華大

明學言卷之六
訓成陞少詹事仍兼侍講學士守陳上言二事其一
請開日講云

陛下一日御文華殿之時多處乾清宮之時少則欲
寡而心清惑少而理明得於內者純出治之本立矣
其二請御午朝云大政則召大臣面議未當則許諫
官校正俾賢才常集于目前視聽不偏于左右資於
外者深致治之綱舉矣若如近日凡百題奏付內監
調旨批荅臣恐積弊未革隱禍已深不但如目前所
慮而已

上褒荅之未幾擢吏部侍郎兼詹事府丞專典史事

廟實錄充總裁官踰年卒贈禮部尚書謚文懿何
為新叙其集曰文懿載筆蘭臺讎書延閣侍講經幄
輔導儲宮三十餘年自六經諸史旁及九流靡不探
源綜要故其發於文也法度森嚴如龍虎鳥蛇布列
于行陣意態閒雅如朱紱赤舄周旋于殿陛其閱深
雄放又如彭蠡驚濤龍門駭浪瀉乎森乎不可狎玩
也王鏊誄之曰聖亡經在異說紛兮阮秦造漢離多
門兮商詩瞿易授受親兮黨同矜異傳失真兮遺言
興旨不尚存兮唐有啖趙宋孫石兮抱經刻傳挺見
特兮逮乎伊洛義轉精兮紫陽承之集厥成兮設科

置學為世程兮父傳師授莫知其端兮雖有異說誰
敢干兮於文懿公生已後兮周漢唐宋得通究兮聖
經浩浩如天淵兮家鑽人淬庶或全兮現辭微義日
星陳兮蹈常翫故駭厥新兮章甫資越衆排斥而不
信兮取信何傷益自珍兮嗟我何知乃得師兮謂公
自信當勿疑兮太羹玄酒所貴希兮豈不或過志亦
奇兮後千萬年來者誰兮庾道南曰予讀文懿桂坊
金坡諸稿固已異之及觀國史謂其恬靜易直仕雖
齟齬而守正不變彭韶替曰無思不通無書不讀講
章震主聽者悚服羨彼世光袍笏滿床有三尚書有
六桂坊吁嗟我公直筆如競奏草已具死不目瞑

少詹事兼學士柯潛

柯潛字孟時福建莆田人景泰辛未進士第一授修
撰明年遷右中允丙子宸宇通志成轉司經局洗馬
天順丁丑改尚寶少卿兼修撰已卯侍

東宮講讀

憲宗踐祚擢學士掌院事授庶吉士業誠心訓迪士
多造就凡百廢弛悉加振作人以是多之預修
英廟實錄成陞少詹事兼學士成化戊子充日講官
守制歸適祭酒缺廷議會舉詔起復之潛力辭不起

卒潛為人高介有氣節遇事不苟故今詞林諸士尚呼為柯竹品云楊文懿公叙輓集曰孟時姿儀德器才識文學夙出人表且秉史筆典文衡視院篆侍講幄茂著勞望士方仰之若山嶽民具望之作霖雨天胡奪之速耶廖道南曰予游翰林見有亭一區曰柯亭有栢二株曰柯學士栢何其流風遺澤令人永矢勿諼也蓋其孤介之節剛正之氣所漸被者遠矣賁曰壺山之陰蘭水之陽倫魁夙兆宮端潛光竹巖流清栢亭垂芳有斐君子終焉允臧

詹事兼學士程敏政

程敏政字克勤徽州休寧人生而蚤慧侍父襄毅公官蜀巡撫侍郎羅綺以神童薦

英宗召至便殿試以春聯應對如響館閣覆試賦

聖節及瑞雪詩并經義授筆立就詔詣翰林讀書尋

文達公妻以女成化丙戌進士及第授編修預修

英廟實錄秩滿轉侍講及修宋元綱目敏政自撰宋

史受終考大學士彭文憲公稱之遷左春坊左諭德

充經筵講官乙未廷試讀卷丙午主考應天鄉試

孝宗登極陞少詹事兼侍講學士充日講官時詔議

從祀孔子禮敏政上言聖王治天下以祀典為重故

明倫彙編 家範典 卷之六
有功德于一時者一時祀之更代則已有功德于一
方者一方祀之踰境則已况孔子功德在萬世必文
與行無名與實副者乃可以從祀若戴聖身陷賊吏
劉向喜談神仙馬融為梁冀草詔殺李固何休解春
秋黜周王魯王弼何晏倡為清談王肅佐司馬昭篡
魏杜預為吏不廉為將不義得罪名教類當黜祀疏
上會御史魏璋以曖昧中傷之致仕歸郎中陸容給
事中楊廉辯其寃

上召之還擢太常卿仍兼前職教習庶吉士預修玉
牒乙卯守制歸服闕詔修會典充副總裁官轉詹事
兼學士尋陞禮部右侍郎掌詹事府事侍

皇太子講讀己未主考禮闈給事中華泉劾之詔廷
辯泉語塞坐罪敏政致仕卒贈禮部尚書所著有
皇明文衡瀛賢奏對儀禮定本新安文獻志宋遺民
錄諸書廖道南曰予為兒時竊觀篋中文集浩乎其
莫禦及予謫居徽土登齊雲望紫陽訪其廬吊其墓
想見其為人蓋一代之豪也而卒被誣以死當國者
寧不有遺憾耶贊曰黃山截業萬仞干霄練水滄流
百川怒號惟彼齊雲紫翠崑崙篤生英乂卓哉人豪
磊落高邁天風海濤撰述細繹璽絲牛毛青蠅貝錦

見現則消誦述遺編德音孔昭

詹事兼侍讀學士陸簡

陸簡字廉伯常州武進人成化乙酉鄉貢第一明年進士及第授編修秩滿轉侍講預修宋元綱目成遷右諭德充東宮講讀官弘治紀元召修

憲廟實錄陞右庶子兼侍讀充經筵日講官辛亥擢少詹事兼侍講學士甲寅以日講勞特陞詹事兼侍讀學士踰年卒贈禮部右侍郎簡姿貌秀偉少有俊才頗不自檢晚益矜誇自負當遠到既久滯不顯亦多鬱抑齋志以沒李文正公銘其墓曰文以奇勝恥弗已出持堅敵強孰能我屈中所自負觸事研發有銛弗施飲志而沒若在冶金久乃成質器之斯艱恒百斯一成斯棄斯嗟彼造物謂天默默孰爾揭揭廖道南曰予友水南張學士謂陸龍臯氣蓋萬夫才惟一時及接其子煥章諸郎咸有父風予過武進乃得訪其幽蹤遺蹟蓋志大而術疎者也贊曰矯矯龍臯淵淵鳳池夙負英氣冥繹玄思麗藻所裁信史誰欺徵群公子永世有詞

吏部侍郎兼學士掌詹事府事張元禎

張元禎字廷祥江西南昌人天順庚辰進士選庶吉

士授編修

憲宗登極禎上言三事一曰勤聖學二曰公聽政三曰廣用賢

上嘉納成化丁亥謝病歸二十餘年潛心理學士子多從之游

孝宗即位召修

憲廟實錄轉左春坊左贊善上䟽論王道幾萬言己酉主考應天鄉試辛亥陞侍講學士掌南京翰林院事䟽侍母養歸九年召修會典充副總裁書成進學士壬戌遷南京太常卿癸亥召修歷代通鑑纂要改

太常卿兼學士甲子命掌詹事府事上䟽請觀太極圖西銘諸書

上亟命內閣取觀之未幾擢吏部左侍郎兼職如故元禎為人孤峭奇拔其所交游若天台陳選南海陳獻章豐城羅倫江浦莊景皆一時名士也李文正公銘其墓曰木生在山久乃益堅輦至于途蹶萬牛以顛貢之明堂將棟將梁忽內蝕以傷孰其生之而棄厥良人才實殊公負其有惟厥攸負曰可與大受與不在天受不在予夫苟不自愧違卹其誰維文之絕惟名之揭彼利達者疇巧疇拙地靈人傑惟鄉邦之

哲百世之下山不泐水不噬惟張東白之穴廖道南
曰予嘗讀東白集若彭蠡奔濤匡阜飛壑不可蹤跡
及觀國史則又有不滿人意者於乎豈其才高見忌
耶贊曰匡阜之涯群峰蜿蜒彭蠡之濱潒泐淪漣東
白學古襟嶽帶湖煙雲鳳標星斗龍圖西涯有碑守
溪有志於乎已矣令名不世

禮部尚書兼學士劉春

劉春字仲仁四川巴縣人成化癸卯鄉試第一丁未
進士及第授編修弘治辛亥轉修撰庚申充

東宮講讀官秩滿遷左諭德癸亥預修會典進侍講

學士正統紀元陞學士辛未擢吏部侍郎充經筵日
講官明年陟禮部尚書占城世子失國竄居邦都耶
請封春曰春秋公孫青尚不辱命于衛况天朝乎疏
上已之又明年改南京吏部尚書辛巳調禮部尚書
兼學士典誥勅掌詹事府事卒贈太子太子謚文簡
子彭年舉進士為督學副使今擢都御史延年蔭中
書舍人禮部主事孫起宗戊戌進士大學士楊廷和
銘其墓曰重慶先達曰蹇忠定文簡繼之煒煒輝映
其始從事史局講筵隨試自效職業罔愆四典三禮
秩亦屢遷法守是慎不比于權召自留都司

帝之制行將大受參預政事諧于庶明以贊新治胡
進之難胡奪之易廖道南曰予為庶吉士時東川公
方起赴闕見其醇雅篤厚有古人風方擬樹教秘書
省未幾而亡石齋之銘豈欺我哉贊曰峨嵋嶭嶭灩
澦淵渟忠定先奮文簡後征恂恂其貌翼翼其心兩
川黎老茲其典刑

禮部尚書兼學士李遜學

李遜學字希賢河南上蔡人成化丁未進士選庶吉
士授檢討弘治丙辰出補浙江僉事以憂去服闋陞
陝西副使又以憂去起復改山東前後更三任俱督

學政所至務崇寬厚頗得士心正德戊辰召入為大
常少卿提督四夷館仍兼侍講尋擢戶部侍郎提督
太倉禮部侍郎乙亥陟南京禮部尚書丙子以慶賀
入京調禮部明年兼學士掌詹事府事典誥勅命授
庶吉士業卒廖道南曰予計偕時嘗過蔡之故墟訪
春秋列侯故蹟及式公之間無恙也既而入讀中祕
書而公已不作矣贊曰上蔡之先寔惟申伯迄今百
祀誰復繼絕峨嵋宗伯赫赫宮端簪纓輝映不愧南
冠

靡學

侍讀學士拜祭酒魏觀

魏觀字杞山武昌蒲圻人父雲瑞隱德弗耀觀讀書蒲首山中勤苦弗輟性喜吟咏觸物感興陶寫自如乃構亭曰梅初以寄志焉元呂忠肅公讀其詩嘆賞薦於朝辭弗就江漢既平觀被徵與青田劉基金華宋濂諸儒同謁

上與語大奇之授平江州學正遷國子助教浙江提刑僉事吳元年改兩淮都轉運使入為起居注一日同待制王禕侍

上問曰漢高祖唐太宗孰優觀曰太宗雖才兼文武於善未免矯揉高祖豁達大度規模弘遠以茲觀之

高祖為優

上曰高祖之度人皆知之然其記兄嫂之怨封其子為侯然豐之叛不封雍齒不肯以豐為湯沐邑度亦未弘矣太宗規模雖不及高祖然能其駕馭群臣各為已用大業已定卒能保全功臣此則太宗為優也洪武初建大本堂命觀侍太子說書及授秦晉諸王經觀有詩記之

詩曰翠葆歲華九鳳旗東華遙望立多時都堂啓事貂蟬集率

常輪班虎豹馳月繞珠簾陞講席花迎金輅肅朝儀六王炳炳前星後珠緯聯輝上玉墀

二年十月甲戌天降膏露于乾清宮禁林

上問災祥觀曰帝王恩及于物順于人則甘露降
陛下誕寬民賦衆庶懽豫底于枚寧神應之臻職此
故也十一月冬煖如春

上召偕危素詹同吳琳宋濂遊觀內苑錫燕紫閣御

製序文賜之曰卿等各賦一詩以述今日之樂觀奏

詩詩云深冬晴煖動逾旬內苑遊觀詔侍臣五色慶
雲開鳳尾九重麗日繞龍麟和鸞喜奉彤專御式
燕漸叨紫閣賓淑氣已從
天上轉人間無地不陽春

上覽之大喜三年正月轉太常卿賜之制曰太常之
職掌郊廟社稷山川群神之祀厥任重矣爾觀學行
方正事朕有年屢持憲節振揚風紀及領鹽運勞績

茂彰頃居翰院日記言動朝夕之間屢進謹論尤簡
朕心茲用長于太常益恭乃職七月命觀改定太廟
祝文稱孝子皇帝臣凡遣太子行禮稱長子某著為
令是月陟為侍讀學士十二月辛酉編集大明志成
以觀為嘉議大夫國子祭酒宋濂為司業四年廷試
進士觀與博士孫吾與修撰王僎為讀卷官乃得吳
伯宗等一百二十人時開科之始得人最盛而伯宗
卒為名臣人以此多觀之識九月坐考祀孔子禮不
以時奏乃謫觀知龍南縣濂知安遠縣行未至任即
召還以為禮部主事

上賜燕奉天門喜曰前日逐卿去今日與卿飲何其樂哉仍命各賦一詩五年三月

上念姑蘇為京輔重地經張士誠之亂荼毒罔有寧宇廷臣咸薦觀有治才乃出知蘇州府既蒞事懲陳寧苛政鋤暴樹良寬而且肅敬老恤民大建學舍乃闢宣聖廟庭舉鄉飲酒禮聘郡賢士周南老王行徐用誠與教授貢穎之定儀節高啓王穉張羽闡文學郡多耆耆崑山周壽誼年百有十歲吳縣楊茂年九十三林文友年九十二皆延至之禮成彬彬可觀壽誼還躬餞諸郊再拜送之觀者如堵時戎事倥傯百物彫耗禮文衰落乃能力挽躬行風教勃興封部皞然課績為天下家

上嘉之陟為四川行省叅知政事蘇父老上疏願留仍命觀還郡七年觀以舊治為士誠竊據且郡多水患乃修府浚河以壯士觀以資民利御史張度誣其興既滅之基遂與高啓等俱獲罪

上悔之命所在致祭

皇太子諸王哀賻有加乃歸瘞于蒲圻燈窩山廖道南曰杞山予里人也予自髫髻訪其廬吊其墓未嘗不泫然悲焉及誦其所為蒲山牧唱集思見其人而

弗可得也既而讀楊符鄉序曰先生之心廣大而高
明先生之才篤實而端重其學博其辭瞻其所履任
率有成績事至不擇利害而為之有古大臣君子之
風黔國沐璘亦曰貌偉而修氣完而優聳衡廬之神
秀瑩江漢之清秋其為德也雖畊而隱其為名也匪
釣而求與宋景濂碧崖亭辭蘇伯衡梅初亭記相符
合也贊曰維我蒲山衡嶽之支維我萐川洞庭之湄
先生崛起于滄之里邦之司直國之良史伯衡有記
景濂有辭璧月珠星光彩陸離

學士拜祭酒李時勉

